


大清會典

六十二



庫	文	閣	內
一四九函	一八九九冊	漢	書
二架	一冊	類	號

庫	文	閣	內
二九五函	一八九九冊	漢	書
二架	一冊	類	號

內閣文庫			
番號	漢	1899	
冊數	141(62)		
函號	295	1	




A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM, Kodak







大清會典卷之六十八

禮部

淺草文庫

喪禮三

皇太后

文皇后喪儀

順治六年四月十七日。

皇太后崩。親王以下。拜他喇布勒哈番以上。公主和碩

妃以下。正黃鑲黃二旗拜他喇布勒哈番三等

侍衛命婦以上。六旗阿達哈哈番命婦以上。各

照翼齊集。王以下文武各官及王妃以下官員

命婦。俱成服。官員摘冠纓。婦女去首飾。○凡初祭。大祭。常祭。

月祭。百日等祭。一應禮儀。俱與

文皇帝喪禮同。○七年二月。恭奉

靈位。移送

昭陵。行加上

尊謚禮。行配祔

昭陵禮。行奉移禮。三次祭文。俱內院撰擬。前期。禮部官

送至安設

靈位處。置西旁黃案上。至祭日。設黃幄於殿外。大學

士捧冊文置黃案上。恭上尊謚曰

孝端正敬仁懿莊敏輔天協聖文皇后。是日。

皇妃公主和碩妃以下。多羅夫人縣君一品官命

婦以上。親王以下。二品官以上。各分翼排列

靈位前。供獻饌桌。

皇妃跪。奠酒三爵。衆皆跪。三叩頭。徹供物畢。大學

士捧冊宣讀。內院官捧祭文宣讀。衆皆跪。宣讀

畢。興。捧送祭文焚畢。衆皆散。○前期。禮部官捧

入

太廟神位。至內院奉安黃案上。上香。內院大臣。一跪三

叩頭。恭寫

尊謚於

神位。又於奉安

靈位殿西。搭蓋黃幄於路之正中。內設黃案二。至移送日早。大學士一員。於入

太廟神位案前。一跪三叩頭。捧舉

神位。奉安黃亭內。一跪三叩頭。內官昇亭。前排吾杖一對。至黃幄停止。大學士一員。詣亭前。一跪三叩頭。捧

神位奉安。幄內黃案上。上香。候

靈駕至。徃送各官。進奉安

靈位殿內。行奉移禮。奠酒三爵。捧

靈位奉安。黃輿。啟行。至黃幄前暫停。大學士一員。詣

幄內黃案前。一跪三叩頭。輿於

神位上。點石青畢。一跪三叩頭。輿。徃送各官。奉

靈駕啟行。前詣

昭陵安設。致祭行禮。與

文皇帝大喪儀同

章皇后喪儀

康熙二年二月十一日

慈和皇太后崩。是日鹵簿全設。王以下文武各官。齊集

宮門外。公主王妃以下。縣君及副都統侍郎阿

會典卷之六十一
三
思哈尼哈番命婦以上。齊集宮內。俱服縞素。王以下各官。輪班。每日二次。進內舉哀。王以下各官不嫁娶。不作樂。各官命婦。去首飾。凡二十七日。軍民人等。摘冠纓。婦女去首飾。凡七日。○次日。王以下各官。公主王妃以下大臣命婦。照前齊集舉哀。至晚各退。○第三日早。王以下各官。公主王妃以下大臣命婦。齊集舉哀。公主王妃以下大臣命婦。以後不齊集。○第四日早。王以下各官齊集。至日午各散。嗣後在部院衙門辦事。及在內值班。衣帶皆縞素。冠皆摘纓。○第五

日。禮部題頒

哀詔。本部堂官。至內院。接捧至部。遣官頒發各省。及朝鮮國。

詔到日。在外文武各官。摘冠纓。素服。出城門跪接。舉哀。候過隨行。捧

詔安設衙門內案上。三跪九叩頭。宣讀畢。舉哀。又三跪九叩頭。自次日起。文武各官。於衙門內朝夕舉哀二次。凡三日。服白布服二十七日。各官命婦。去首飾。服素服二十七日。軍民人等。摘冠纓。婦女去首飾。服素服七日。服內俱不作樂。不嫁

娶○禮部移文直省免其遣官進香○奉移

梓宮詣壩上儀仗全設內大臣侍衛齊集宮門外王
貝勒等齊集東華門外各官齊集東安門外公
主王妃以下大臣命婦先期一日赴壩上。

梓宮將發內府官員執爵禮部尚書捧授輔臣跪接
奠酒三爵衆俱跪隨叩頭立舉哀。

梓宮出

昇梓宮校尉仍用鑾儀衛服色

內大臣侍衛排跪舉哀候過

隨行

一半隨送一半散

內府婦女六十名附近

梓宮後乘馬隨行

梓宮出東華門王貝勒等排跪舉哀候過隨行在內

大臣侍衛之次出東安門各官俱排跪舉哀候

過隨行

一半隨送一半散

往送官員各按旗行每過門

橋內府官執爵禮部堂官奠酒

梓宮至壩上公主王妃以下大臣命婦分翼排列跪

接立舉哀隨入王貝勒等各官在門外分翼排

立候奉安

梓宮畢王貝勒內大臣侍衛都統精奇尼哈番尚書

俱進內分翼排立輔臣跪奠酒三爵王等各官

及公主王妃以下大臣命婦皆跪隨三叩頭立

舉哀畢各散○清明致祭公侯伯以下叅領阿

達哈哈番以上。一半齊集。內大臣侍衛。輪派前往。輔臣跪奠酒三爵。各官隨跪叩頭。○行初祭禮。儀仗全設。王以下。奉恩將軍以上。民公以下各官。一半齊集。公主王妃以下。縣君奉恩將軍。恭人以上。民公侯伯命婦以下。副都統侍郎阿思哈尼哈番命婦以上。俱齊集致祭。禮部堂官讀祭文。衆皆跪。讀畢。輔臣跪奠酒三爵。衆皆隨跪叩頭。立舉哀。

皇太后親族夫人。至焚祭文處。奠酒三爵。衆皆散。是日。滿二十七日。衆皆除服。○次日。行常祭禮。止內

府官員齊集。奠酒三爵。行跪叩頭禮。○行滿月致祭禮。民公侯伯以下。副都統侍郎阿思哈尼哈番以上。一半齊集。奠酒三爵。行跪叩頭禮。嗣後每遇滿月致祭。並同。○行昇化禮。揀殮致祭。與滿月致祭同。○行大祭禮。儀仗全設。齊集。供獻。行禮。與初祭同。○五月行百日致祭禮。與滿月致祭同。○恭上

尊謚曰

孝康慈和莊懿恭惠崇天育聖皇后。

上御素服。出

太和門。閱冊寶。內院官一跪三叩頭。捧冊寶置綵輿內。

上還宮。校尉舁輿。前排御仗二對。禮部鑾儀衛堂官內府官。導行出東華門。送至壩上。安設

神位殿內。禮部官一跪三叩頭。捧冊寶置黃案上。復一跪三叩頭。退。○奉遷

神位。前期一日致祭。儀仗全設。王以下。鎮國將軍以上。俱齊集。民公侯伯以下。副都統侍郎阿思哈尼哈番以上。一半齊集。冊設於左。寶設於右。禮部讀祝官。一跪三叩頭。捧冊寶宣讀。次讀祝文

畢。輔臣跪奠酒三爵。衆皆隨跪叩頭。是日派往隨送內大臣侍衛各官。及內府婦女。俱赴宿壩上。○次日早。儀仗全設。內大臣侍衛在殿院內。各官在院外。分翼排立。舉哀。禮部官於神位前。奠酒三爵。至吉時。

皇太后親族。都統副都統。恭捧

神位。置輿內。校尉舁輿。大臣各官命婦等。隨後步行。至城門。奠酒三爵。出城後。命婦等乘馬隨後。內大臣侍衛及各官。俱按旗乘馬排行。過橋。禮部堂官奠酒。每日晚。至宿次。大臣各官。分翼齊集。

供獻舉哀。徹供畢。散。○六月行奉安禮。輔臣內大臣侍衛公侯伯以下。文武三品以上各官。於網城外分翼排立。候

神位至。跪。舉哀。候過。隨至木城外。排立舉哀。恭奉神位。安設圓幄內。畢。各官俱散。是日儀仗俱焚訖。其移送地宮致祭禮。並載

世祖章皇帝奉安儀內。○九年三月。加上

廟號曰

章皇后。升祔致祭

儀注另載

皇后

仁孝皇后喪儀

康熙十三年五月初三日

大行皇后崩。陳設鹵簿於

乾清門至

隆宗門。王以下文武各官。俱齊集。左翼官集

景運門外。右翼官集

隆宗門外。王以下。入八分公以上。進內。於階上舉哀。內大臣侍衛。於階下舉哀。未入八分公以下。奉恩將軍以上。滿漢文武官員。輪班進

乾清門外兩旁排立舉哀。公主王妃以下。縣君奉

恩將軍恭人以上。民公侯伯夫人以下。阿思哈尼哈番等命婦以上。在

景運門外齊集。公主親王妃及縣君。進內舉哀。郡王妃以下。奉恩將軍恭人以上。民公侯伯阿思哈尼哈番等命婦。俱於齊集處舉哀。各散。王以下各官。及公主王妃以下大臣命婦等。俱服白布服。王以下各官。每日早晚齊集。舉哀二次。凡三日止。旗下閒散官員。仍每日二次齊集。

皇上五日不臨朝。王以下文武各官。不嫁娶。不作樂。凡二十七日。民間凡七日止。○奉移

梓宮。至西華門外享殿。鹵簿全設。於奉移時。奠酒三爵。過門橋。奠酒。

上親臨送。王以下各官。公主王妃以下。內府官員命婦以上。俱先赴奉安

梓宮處。公主王妃以下。在圍牆外排立。內府官員命婦等。在圍牆內排立。候

梓宮到時。俱跪舉哀。候過。王以下。內大臣都統大學士尚書精奇尼哈番以上。公主王妃以下。大臣命婦以上。隨進。照翼排立舉哀。副都統侍郎以下。在圍牆外排立舉哀。奉安

梓宮至享殿畢。奠酒三爵。舉哀。各散。王以下。入八分公以上。每日清晨。在內大臣處齊集。未入八分公以下。奉恩將軍以上。及閒散覺羅官旗下官員。仍每日兩次在奉安

梓宮處齊集。舉哀。○朝鮮國使臣。亦給白布服。免其齊集。頒

勅諭計聞該國。遣官到日。照例制服。○禮部具題。移文直省。免其齊集。舉哀。制服。及遣官進香。○常祭日。鹵簿全設於圍牆內。

上親臨。王以下文武各官。公主王妃以下。奉恩將軍

恭人以上。民公侯伯夫人以下。副都統侍衛命婦以上。齊集。讀祝文時。眾皆跪。讀畢。奠酒三爵。眾皆三叩頭。興。舉哀。畢。讀祝官捧送燎位。奠酒三爵。焚畢。

上還宮。眾皆散。○行初祭禮。鹵簿全設於圍牆內。上親臨。王以下文武各官。公主王妃以下。縣君奉恩將軍。恭人以上。民公侯伯夫人以下。阿思哈尼哈番命婦以上。齊集。讀祝。奠酒。行禮。舉哀等儀。與常祭同。是日。

上與妃等俱除服。回宮。眾皆散。○次日行常祭禮。內

府官員。併命婦齊集致祭。○行奉移。

梓宮致祭禮。鹵簿全設於圍牆內。王以下文武各官。公主王妃以下。縣君奉恩將軍恭人以上。民公侯伯夫人以下。阿思哈尼哈番命婦以上。齊集。讀祝文。奠酒。行禮。舉哀。如前儀。禮畢。各散。○奉移。

梓宮至沙河。鹵簿全設。奉移時。奠酒三爵。過門橋。奠酒。

上親臨送。內大臣侍衛。在西安門內齊集。王以下。奉恩將軍以上。在西安門外兩旁齊集。民公侯伯

以下。文武各官。在大街兩旁齊集。漢官在各旗班末排立。

梓宮到時。排跪舉哀。候過。興。不往送。各官俱散。往送各官。按旗乘馬隨行。公主王妃以下。縣君奉恩將軍恭人以上。民公侯伯夫人以下。阿思哈尼哈番命婦以上。在德勝門外關廂內齊集。

梓宮到時。排跪舉哀。候過。各散。至沙河。奉安梓宮畢。奠酒三爵。王等各官。行禮舉哀。各散。○行大祭禮。鹵簿全設。王以下奉恩將軍以上。民公侯伯以下文武各官。公主王妃以下。縣君奉恩將

軍恭人以上。民公侯伯夫人以下。阿思哈尼哈
番命婦以上。齊集。讀祝。奠酒。行禮。舉哀。如前儀。
是日滿二十七日。王以下各官。公主王妃以下
大臣命婦等。俱至焚紙處兩旁排立。奠酒三爵。
衆俱跪。每奠隨叩。奠畢除服。各散。○次日常祭。
與前常祭同。○初滿月致祭。鹵簿全設。王以下。
奉恩將軍以上。民公侯伯以下。阿思哈尼哈番
以上。齊集。奠酒行禮如常儀。百日內。每滿月齊
集致祭。奠酒行禮與初滿月同。百日外。內府佐
領下官員。齊集致祭。○追封

大行皇后謚號曰

仁孝皇后。是日鹵簿全設。內務府官設

冊案一。寶案一。香案一。於

梓宮前。鴻臚寺官設

冊案一。寶案一。於

太和門階上。設

冊亭一。寶亭一。於階下。正副使及執事官。俱素服
排立階下之東。內閣大臣。捧香冊寶匣。設各案
上。行一跪三叩頭禮。退立階下之東。禮部官捧
黃絹冊寶匣。設綵輿內。陳設畢。禮部官奏請

皇上御素服。陞

太和門座。禮部堂官引正副使。由東旁階上。詣冊寶案前。行一跪三叩頭禮。與正使捧冊。副使捧寶。由中路下階。陳設綵輿內。行一跪三叩頭禮。禮部堂官奏禮畢。

上還宮。校尉昇

冊輿在前。寶輿在後。用御仗二對前導。由中路出。正副使隨後行。內大臣侍衛於

午門內金水橋旁跪送。王以下。奉恩將軍以上。於西華門內跪送。滿漢四品以上官。於西華門外

跪送。出德勝門。至沙河城。進南門。正副使及執事官。俱步入。其派往隨送內大臣侍衛。滿漢四品以上官。於沙河城內

皇城外排跪奉迎。綵輿由

皇城中門入。至二門止。正副使詣輿前行。一跪三叩頭禮。捧

香冊香寶。由中路至

殿內。設冊於左案。設寶於右案。行一跪三叩頭禮。禮部官自輿內捧黃絹冊寶。設於案上。正副使

詣

香案前。鴻臚寺官贊上香。正使進前上香。復原位立贊宣冊。宣冊官捧冊立。宣訖。贊宣寶。宣寶官捧寶立。宣訖。仍捧冊寶置原案上。贊禮畢。正使捧香冊。副使捧香寶。陳設於

梓宮前。行一跪三叩頭禮。興。由殿東門出。陳設祭品畢。鴻臚寺官引內大臣侍衛滿漢四品以上官。至殿階下兩翼排立。太常寺典儀贊排班。承祭官及各官排立。贊進。承祭官及各官就拜位立。贊執事官各司其事。贊禮官引承祭官由殿西門入。至香案前。贊跪。承祭官跪。贊上香。捧香盒

官跪於右。承祭官受香盒獻訖。興。三上香畢。贊復位。承祭官退至原位立。贊跪。叩。興。承祭官行三跪九叩頭禮。各官俱隨行禮。贊奠帛。行初獻禮。捧帛官跪獻。行三叩頭禮。捧爵官立獻畢。讀祝官詣祝案前。一跪三叩頭。興。捧祝文立。贊禮官贊跪。承祭官及各官讀祝官皆跪。典儀贊讀祝。讀祝官讀訖。以祝文授內府官。內府官跪接。置帛匣上行一跪三叩頭禮。讀祝官亦隨行禮。贊叩。興。承祭官及各官俱行三叩頭禮。興。典儀贊行亞獻禮。獻爵官如初獻儀。立獻畢。典儀贊

行終獻禮。獻爵官如亞獻儀。立獻畢。贊禮官贊
跪叩。興。承祭官及各官。俱行三跪九叩頭禮。興。
典儀贊恭捧冊寶祝帛。送燎所。捧冊寶祝帛官。
各詣案前行一跪三叩頭禮。送至燎所。承祭官
退立西旁。俟冊寶祝帛過。仍復位立。冊寶祝帛
焚訖。贊禮畢。各散。正副使復

命。金冊金寶。內務府官收貯內庫。次日。

頒尊謚詔於天下。○七月十五日秋祭。鹵簿全設。王
以下。奉恩將軍以上。民公侯伯以下。三品官員
以上。公主王妃以下。鎮國將軍夫人以上。民公

侯伯大臣命婦。齊集。讀文奠酒。行禮如常儀。○
百日致祭。鹵簿全設。王以下。奉恩將軍以上。民
公侯伯以下。阿思哈尼哈番以上。齊集致祭。○
朝鮮國王遣官進香致祭。是日鹵簿全設。王以
下。奉恩將軍以上。民公侯伯以下。滿漢四品官
員以上。齊集。朝鮮使臣於右翼末立。陳設祭物
上香。鳴贊官贊三跪九叩頭畢。退立原班。讀文。
奠酒三爵。王以下各官皆跪。朝鮮使臣亦跪。每
奠隨叩。興。舉哀。鳴贊官贊二跪六叩頭。興。徹供
物。焚祭文。各散。○歲暮致祭。鹵簿全設。民公侯

伯以下。四品官員以上。公主王妃以下。大臣命婦以上。齊集。讀文奠酒行禮如常儀。○十四年正月。大學士一員。詣沙河於奉安升祔。

奉先殿神位前點香燭。一跪三叩頭。恭捧

神位。禮部官前導。至殿內奉安黃案上。點香燭。一跪

三叩頭。滿漢大學士各一員。朝服盥手詣香案

前一跪三叩頭。於

神字上點石青畢。一跪三叩頭。大學士一員。詣黃案

前一跪三叩頭。恭捧

神位。奉安輿內。一跪三叩頭畢。旗尉昇輿。鹵簿全設。

出沙河南門。迎至

奉先殿。王以下文武各官。俱在東華門外齊集。跪迎。候

過。各散。禮部官導引。內閣大臣隨輿至

奉先殿。奉安行禮致祭。

儀注另載

清明因遇慶賀之期。照

陵寢例遣大臣致祭。鹵簿全設。覺羅民公侯伯以下。

三品官員以上。齊集。素服讀文致祭行禮如常

儀。○期年致祭。鹵簿全設。王以下。奉恩將軍以

上。民公侯伯以下。滿漢四品官員以上。公主王

妃以下。大臣命婦以上。齊集。讀文奠酒行禮如

常儀。期年後。每日供獻。每滿月致祭。○忌辰

日致祭。王以下。奉恩將軍以上。民公侯伯以下。三品官員以上。公主王妃以下。大臣命婦以上。齊集。讀文奠酒行禮如常儀。○清明日齊集致祭。如忌辰儀。無祝文。○中元日致祭。王以下。輔國將軍以上。民公侯伯以下。阿思哈尼哈番以上。公主王妃以下。精奇尼哈番命婦以上。齊集。讀文奠酒行禮如常儀。○歲暮日因祭。

太廟。王以下。公以上。俱免齊集。鎮國將軍以下。四品官員以上。止一半齊集。公主王妃以下。大臣命婦以上。俱齊集。讀文奠酒行禮如常儀。○三週年。

後照

陵寢致祭例。每月朔望。誕日。忌辰。十月朔。並清明。中元。冬至。歲暮。四大祭。及遇吉慶等期。照常致祭。孝昭皇后喪儀。

康熙十七年二月二十六日。

大行皇后崩。一應陳設。齊集。舉哀。成服。行禮致祭。俱與

仁孝皇后同。惟衍聖公五經博士在京。亦給白布服。一體齊集。○奉移。

梓宮於武英殿。內大臣侍衛。在

景運門外。向西排立。王以下各官。在西華門內。向東排立。俱候。

梓宮到。跪。舉哀。候過。興。公主王妃以下。大臣命婦以上。先至。

武英殿門內兩廡階下。照翼排立。候。

梓宮到。跪。舉哀。候過。興。舉哀奉安畢。奠酒三爵。舉哀。各散。○清明致祭。鹵簿全設。王以下各官。公主王妃以下。阿思哈尼哈番命婦以上。齊集。奠酒三爵。跪。三叩頭。舉哀畢。各散。○行奉移。

梓宮至沙河致祭禮。前期遣大臣於

仁孝皇后前告祭。至奉移時。齊集致祭行禮。俱與

仁孝皇后儀同。○追封

大行皇后謚號曰

孝昭皇后儀與仁孝皇后同。○歲暮。鹵簿全設。因遇慶賀之

期。照

陵寢例。遣大臣素服行禮。讀文致祭。○十八年正月。

因歲暮未行大祭。特舉大祭如常儀。

二十年二月。地宮告成。行奉移。

仁孝皇后

孝昭皇后梓宮禮。鹵簿全設。

皇太子致祭。讀祝文。奠酒。行禮。王以下。四品官員以上。公主王妃以下。大臣命婦以上。齊集。俱隨行禮。祭畢。讀祝官捧送焚畢。各散。○越二日。奉移。

仁孝皇后

孝昭皇后梓宮於

陵寢。鹵簿全設。奠酒三爵。啓行。奉安。

冊寶於輿內前行。

上親臨送。內大臣侍衛。在沙河城外齊集。王以下。奉恩將軍以上。在西竇哥庄西邊齊集。覺羅民公

侯伯以下。滿漢各官。在西竇哥庄齊集。公主王妃以下。奉恩將軍恭人以上。民公侯伯命婦以下。阿思哈尼哈番命婦以上。在東竇哥庄東邊齊集。

梓宮到時。王以下各官。公主王妃以下。大臣命婦等。照翼排跪。舉哀。候過。各散。其往送王以下各官。及內大臣侍衛。按旗乘馬隨行。過門橋。奠酒。至宿次。奉安。

梓宮於

享殿內。供獻菓品。奠酒三爵。王以下各官。排班行禮。

舉哀。各散。每早起行時。奠酒三爵。所經地方。五
十里內文武官員。至圍棚外。三跪九叩頭。供獻
時。在旗末排班行禮。次早。在路右排跪。舉哀候
過。至

陵時。暫奉安

享殿內。奠酒。王以下各官。行禮舉哀。各散。每日供獻

奠酒○奉安

梓宮前三日。遣官告祭

天地

太廟

社稷。是日遣官告祭

孝陵昌瑞山后土之神。○三月。奉移

梓宮安墓地宮。前期一日。讀文奠酒。行禮致祭。是日

鹵簿全設。王以下各官。齊集。奠酒。行禮。舉哀。

梓宮起行。王以下各官。在圍棚外。照翼排跪。舉哀。候

過。隨後步行。奉安

梓宮於方城前。茀殿內。陞龍輜車。供獻菓品。奠酒三

爵。王以下各官。行禮舉哀。鹵簿俱焚訖。至吉時

奠酒三爵。奉移

梓宮安墓地宮。

仁孝皇后梓宮在左。

孝昭皇后梓宮在右。

香冊寶亦照左右奉安。奉安時。

皇后各親族大臣。及內務府禮部工部堂官。閱畢。

地宮石門掩閉。奠酒三爵。齊集各官。俱隨行禮。各散。又遣官詣

孝陵昌瑞山后土之神。讀文致祭。

陵寢方城前平臺上。蓋蓆享殿。四月初一日起。四時
各大祭。每月朔望。及十月朔。忌辰。俱照沙河例
致祭

皇妃喪儀

崇德六年九月。

東關睢宮宸妃薨。王以下佐領以上。固倫公主和
碩妃以下。副都統命婦以上。俱齊集。陳設儀仗。
奉移時。

上親臨送。齊集王以下。佐領以上。公主王妃以下。副
都統命婦以上。送至墳院。奉安畢。

上跪奠酒三爵。王以下各隨跪。三叩頭。

上還宮。衆皆退。○初祭禮。

上親臨。王以下。佐領以上。固倫公主和碩妃以下。副

都統命婦以上。齊赴。

上跪奠酒。王以下各官隨跪。三叩頭。精奇尼哈番以上。各奠酒一次。讀祭文時。王以下各官俱跪。讀畢。興。不叩頭。

上還宮。衆皆退。○滿月致祭禮。

上親臨。王以下大臣等齊赴。奠酒行禮。○大祭禮。

上親臨。王以下。佐領以上。固倫公主和碩妃以下。副都統命婦以上。齊赴。陳設祭品畢。王貝勒以下各官排立。宣讀謚號冊文。王以下衆官皆跪。宣畢。

上奠酒。王以下衆官跪。三叩頭。內大臣以上。外藩王貝勒以下。朝鮮國世子。各奠酒一次。

上還宮。衆皆退。○朝鮮國王遣官行祭禮。是日守陵官於殿內設香燭案。禮部官於儀仗末東西設案。陳禮物。兩黃旗大臣。在階下兩翼排班。來使亦在階下東西排立。內院大臣捧祭文進殿。殿內女官焚香。來使赴甬道前跪。衆大臣在東西兩旁跪。讀滿祭文畢。女官奠酒一盃。衆一叩頭。次讀漢祭文畢。女官奠酒一盃。衆一叩頭。次讀蒙古祭文畢。女官奠酒一盃。衆一叩頭。衆大臣

俱立舉哀。來使行三跪九叩頭禮。衆大臣止哀。各散○二次滿月致祭禮。

上親臨。兩黃旗大臣齊赴。奠酒行禮。與初滿月同○

又行大祭禮。

皇上及


皇后親臨。貝勒以下。佐領以上。副都統命婦以上。齊赴。

上行二跪奠酒禮。衆皆隨跪。六叩頭。外藩王朝鮮國

世子。兩黃旗大臣。各奠酒一次。

上還宮。衆皆散

順治十八年定。凡未有封號官人喪禮。隆殺不
等。俱由禮部行文該衙門備辦



大清會典卷之六十八

大南實地書之六十八

會集卷六十八

三

善財由嶽崎并支那海門前
孤館十八平安其未詳往來
人亦

